

**Anúnsiu ba Konsultasaun Públiku
Konsultasaun Públiku kona-bá Termu Referénsia ba Availiasaun Impaktu Ambientál**

- a. Na'in ba Projeitu ka Proponente: **TIMOR GAP Pualaca Block Unip, Lda (PSC TL-OT-21-17)**
- b. Fatin ne'ebé propoin ba Projeitu: **Proposta projeitu ida-ne'e kompostu husi perfurasaun esploratoriu ba posu tolu iha rai maran (onshore) ne'ebé lokaliza iha Munisípiu Manatuto, Posu esplorasaun sira mak hanesan, posu Daulorok no posu Pualaca ne'ebé lokaliza iha Suco Orlalan, Aldeia Orlalan no Aldeia Pualaca, Postu Administrativu Laclubar, no posu W1 ne'ebé lokaliza iha Suco Uma Boco, Aldeia Fehuc Rin, Postu Administrativu Barique.**
- c. Tipu no tamañu fatin perfurasaun posu exploratoriu: **total área ba utilizaun atividade perfurasaun posu exploratoriu ba kada posu ho medida 10,000m² to'o 20,000m² no total estimasaun kle'an ba perfurasaun husi 2,000m-3,000m de profundidade. Espetasaun tempu ba perfurasaun kada posu ho durasun loron 30 to'o loron 60 nia laran.**
- d. Objetivu hosi projeitu perfurasaun ida-ne'e maka atu konfirma prejensa hidrokarbonetu ne'ebé identifikadu ona husi estudu ingradu interpretaun dados iha rai okos. Alende ida-ne'e, liu husi atividade explorasaun ida-ne'e mós bele hetan informasaun geologia ne'ebé sei sai referénsia ba área potensial sira iha bloku sira ne'ebé besik iha área refere.
- e. Tuir lei sira ne'ebé aplika iha Timor-Leste no mós aprovasaun husi ANP, projeitu ida-ne'e klasifikadu nu'udar kategoria "A", refere ba karta husi ANP ho número karta ANP/HSE/S/26/093 dia 4 Maio 2026. Ho obrigasaun tenke konklui Estudu Impaktu Ambientál tuir lei hakerek..
- f. Termu Referénsia ba estudu ida-ne'e tenki hetan aseitasaun hosi Autoridade Nacional do Petroleu molok faze preparasaun, desenvolvimentu to'o submisaun dokumentu Deklarasaun Impaktu Ambientál no Planu Jestaun Ambientál ba proposta projeitu ida-ne'e. Ezbosu TdR ida ne'e preparadu bazeia ba ANP nia diretiva, nu'udar mensiona iha lei ba atividade petrolífera datadu 20 Dezembru 2024 kona-bá preparasaun ba estudu impaktu Ambiental. Implemetasaun husi prosesu estudu Impaktu Ambientál ida-ne'e sei bazeia de'it ba padraun sira ne'ebé hakerek iha Termu ba Referénsia ida-ne'e. Termu ba Referénsia ida-ne'e sei deskreve proposta ba projeitu perfurasaun ne'e rasik, enkuadramentu legál sira, deskrisaun ba komponente Ambientál inklui sósiu ekonómiku no aspetu biolójiku, halibur baze-de-dados kualidade Ambientál, ezeminaun sósiu ekonómiku, lokalizasaun área projeitu ni'an, estudu ba impaktu sira, klasifikasaun ba risku, lala'ok ba konsultasaun pública no estrutura ba deklarasaun Impaktu Ambientál nian.
- g. Termu Referénsia ba estudu impaktu Ambientál nian submete ona ba ANP no agora dadaun disponivel ba públiku atu asesu no fó komentáriu. Wainhira iha komentáriu no sujestaun ruman durante prosessu ida-ne'e TIMOR GAP Pualaca Block (TGPB) sei tau ba kosiderasaun ne'ebé apropriadu no sei inkorpora iha relatóriu kona-bá Deklarasaun Impaktu Ambientál no Planu Jestaun Ambientál nian.

- h. Kopia husi Termu ba Referénsia ne'e disponivel atu asesu durante oras serbisu nian liu husi enderesu sira tuir-mai ne'e:
- **Edifisiu Autoridade Nacional do Petróleo**
City 8 Compound, Rua Has-Laran, Aldeia Fomento II,
Suco Comoro, Dom Aleixo - Dili, Timor-Leste; and
 - **Edifisiu TIMOR GAP Pualaca Block Unip, Lda.**
Timor Plaza, CBD 2, Level 2, Unit 205
Av. Presidente Nicolau Lobato
Comoro, Dom Aleixo, Dili, Timor-Leste
- i. Termu ba Referénsia ida-ne'e mós bele asesu livremente liu husi portal TIMORGAP no ANP nian
- Portal ANP nian**
<https://www.anp.tl/terms-of-reference-for-the-exploratory-drilling-in-the-pualaca-block-area/>
- Portal TIMORGAP nian**
<https://www.timorgap.com/exploratory-drilling-timor-gap-pualaca-block-psc-tl-ot-21-17/>
- j. Termu ba Referénsia ne'e disponivel ona iha portal rua ne'ebe mensiona iha leten. **Públiku bele fó komentáriu ba liu-husi enderesu tuir-mai ne'e.**
- k. Komentáriu sira bele submete ba iha edifisiu **Autoridade Nacional do Petróleo, City 8 Compound, Rua Has Laran, Aldeia Fomento II, Suco Manleuana, Dom Aleixo, Dili, Timor-Leste, P.O. Box 113.** No mós bele manda direita ba **Sra. Isaura Gomes** ka **Sr. Jose Sarmento** iha edifisiu Autoridade Nacional do Petróleo nian no bele liu-hosi email, **isaura.gomes@anp.tl** ou **jose.sarmento@anp.tl** or **hse.staff@anp.tl**. Komentáriu hirak ne'e bele mós manda ba parte proponente liu-hosi email ba **Sra. Lilia da Silva** (**lilia.dasilva@timorgap.pualaca.com**) ka **Sr. Venancio de Jesus** (**venancio.dejesus@pualaca.timorgap.com**).
- l. Komentáriu hotu tenki submete ba ANP ou ba parte proponente to'o loron **5 Agostu 2026**.



TIMOR GAP Pualaca Block, Unip. Lda.

Loron 14 Julu 2026